



KENYATAAN MEDIA

Untuk siaran segera

TUJUH MAJIKAN ‘INTAI’ GRADUAN ABM DAN CIDB TECHNOLOGIES

SABAH 22 OKTOBER 2022 – Tujuh (7) majikan bersedia menawarkan peluang pekerjaan kepada graduan Akademi Binaan Malaysia (ABM) dan CIDB Technologies bagi memenuhi keperluan tenaga mahir dalam Sektor Pembinaan negara.

Ketua Eksekutif CIDB Malaysia, Datuk Ir Ahmad Asri Abdul Hamid menyatakan tujuh (7) syarikat berkenaan terbabit di dalam bidang yang dikategorikan berimpak tinggi iaitu berkaitan Pemasangan Perancah, Permasangan Perpaipan Gas, Operasi Kren, Elektrikal, Penyamanan Udara dan Kimpalan.

Katanya, syarikat-syarikat berkenaan adalah *Full Star Constructions Sdn Bhd*, *Pembinaan Kekal Mewah Sdn Bhd*, *Cahaya Dedikasi Sdn Bhd*, *J.S Usaha Sdn Bhd*, *SM Electrical Work, RM Leopad Sdn Bhd* dan *Kejuruteraan Stimdang Sdn Bhd*.

“Ini menunjukkan kebolehpasaran graduan ABM bukan sahaja memenuhi keperluan tenaga mahir sektor binaan di kalangan anak tempatan tetapi turut memberi pendapatan lumayan buat graduan yang kebanyakannya di kalangan lepasan Sijil Pelajaran Malaysia (SPM),” katanya pada Majlis Graduasi ABM dan CIDB Tech. Bagi Wilayah Sabah 2022 di Kinabatangan Hall, Sabah International Convention Centre (SICC), Kota Kinabalu, Sabah.

Dalam majlis itu, tujuh (7) syarikat berkenaan menerima Sijil Penghargaan bagi kerjasama mereka memberi peluang pekerjaan buat para graduan. Selain itu, tiga penaja juga telah menerima sijil penghargaan atas sumbangan menaja belia-belia

Sabah yang belajar kemahiran di ABM iaitu, Jabatan Pembangunan Sumber Manusia (JPSM) Negeri Sabah, Kementerian Belia dan Sukan (KBS) Negeri Sabah dan Sabah Economic Development and Investment Authority (SEDIA).

Seramai 120 orang graduan ABM dan CIDB Technologies adalah antara yang menamatkan pengajian mereka dengan memperoleh Sijil Kompetensi Kemahiran Pembinaan (SKKP) CIDB sekaligus mengiktiraf mereka sebagai tenaga pekerja mahir.

Graduan-graduan ini berjaya memperoleh sijil tersebut melalui latihan dan penilaian yang diambil berdasarkan 12 tred dalam Latihan Kompetensi kemahiran Pembinaan yang meliputi kluster bidang Bangunan, Jentera Berat, Pendawaian Elektrik dan Kimpalan.

Tujuh (7) daripada graduan turut menerima Perakuan Kekomputeran Pendawai (PW2) daripada Suruhanjaya Tenaga dengan menerima Sijil Kompetensi Pendawaian Fasa Tunggal (PW2).

Sepuluh (10) graduan cemerlang turut diraikan selain seorang alumni ABM Wilayah Sabah, Cik Nur Ramlah Masdo, gadis berusia 26 tahun yang diangkat sebagai Ikon TVET Pembinaan Sabah dengan pencapaiananya kini menjawat jawatan Pengendali Perancah Tahap 2 dalam bidang Minyak dan Gas, *Offshore Sabah Water*.

Siapa sangka tangan wanita yang disangka hebat menghayun buaian kini dapat menakluki dunia pembinaan. Kegigihan dan kemahiran yang dimiliki gadis ini dinobatkan sebagai penerima pertama wanita bagi anugerah tersebut.

Majlis Graduasi ABM Wilayah Sabah dan CIDB Tech ini dirasmikan oleh **YB Datuk Arthur Joseph Kurup**, Timbalan Menteri Kerja Raya. Turut hadir pada majlis tersebut, **Dato' Wira Wan Ahmad Uzir Hj Wan Sulaiman**, Ketua Setiausaha Kerja Raya, dan **Datuk Ir. Ahmad 'Asri Abdul Hamid**, Ketua Eksekutif CIDB Malaysia.

ABM merupakan pusat penilaian dan latihan CIDB yang memenuhi keperluan untuk pembangunan dan peningkatan kemahiran untuk pekerja binaan.

Untuk rekod, CIDB mengeluarkan 403,506 ribu bilangan pekerja mahir bermula tahun 2001 hingga 15 September 2022 menerusi dua Program Belia dan Program Personel Binaan bagi pekerja-pekerja binaan yang sedia ada.

Jumlah ini membabitkan ABM bagi wilayah Utara, Tengah, Selatan, Timur, Sarawak, Sabah dan CIDB Tech.

Untuk maklumat lanjut sila layari www.cidb.gov.my / www.akademibinaan.com.my / www.cidbtech.com.my.

Mengenai CIDB Malaysia

Lembaga Pembangunan Industri Pembinaan (CIDB) ditubuhkan menerusi Akta Lembaga Pembangunan Industri Pembinaan 1994 (Akta 520) bagi membina kapasiti dan kapabiliti industri pembinaan melalui peningkatan kualiti dan produktiviti dengan memberi penekanan kepada profesionalisme, inovasi dan pengetahuan ke arah kehidupan yang berkualiti.

Untuk maklumat lanjut, sila hubungi:

CIDB Malaysia

Noraini Fadzil

noraini@cidb.gov.my

012-620 0360 / 03-4047 7018

Mansor Ahmad

mansor.ahmad@cidb.gov.my

012-386 4997 / 03-4047 7018